

中國方志叢書·華北地方·第四四五號

據 民國·阮滄濟等修·宋立梧等纂
民國二十一年刊本

影印

河南省

孟

縣

志

(一)

或文出版社有限公司印行

孟縣志卷四

大事記

郡邑有志猶國之有史凡以記事而已孟縣古河陽地襟帶汴洛綰轂關陝漢唐均置重鎮自來號爲多事之區前史所載指未易一二屈而兵事則十常八九蓋兵者國之大事常與疆輿之沿革政治之廢興相爲表裏誠志地者所不容忽茲之所記則不限以兵事凡關於縣之大事均錄焉是爲志第三

周

周書泰誓惟十有三年春大會於孟津又曰惟戊午王次于河朔群后以師畢會王乃徇師而誓錄喬志下三條同

桓公七年夏盟向求成于鄭既而背之秋鄭人衛人齊人伐盟向王遷盟向之民于邾

僖公二十八年天王狩于河陽壬申公朝于王所
宣公四年與晉戰于河陽勝之

襄公十六年春晉平公即位改服修官烝于曲沃警守而下會于淇梁命歸侵田以我故執邾宣公莒犁比公且曰通齊楚之使晉侯與諸侯宴使諸大夫舞曰歌詩必類齊高厚之詩不類荀偃怒且曰諸侯有異志矣使諸大夫盟高厚高厚逃歸于是叔孫豹晉荀偃宋向戌衛甯殖鄭公孫遘小邾之大夫盟曰同討不庭上左
周慎親王六年鄭侯使韓辰歸晉陽及向二月城陽向

更名陽爲河雍向爲高平竹書紀年

東漢剡不復備注

光武將北狗燕趙馮異爲孟津將軍統軍河上與河內太守寇恂合勢以拒朱鮪等異乃遣李軼書軼報書曰軼守洛陽將軍鎮孟津俱據機軸千載一會思成斷金惟深達蕭王願進愚策自通書之後不復與異爭鋒故異因此得北攻天井拔上黨南下河南成臯及諸屯聚皆平之降者十餘萬具以奏聞異又渡河擊朱鮪鮪走追至洛陽環城一匝而歸移檄上狀諸將皆入賀並勸光武卽帝位

安帝永初五年先零寇河東至河內百姓多南奔渡河

使北軍中侯朱寵將五營士屯孟津

何進將誅宦官使武猛都尉丁原將數千人寇河內燒孟津火照城中皆以誅宦官爲言

大將軍何進司隸校尉袁紹少帝初謀誅諸閹宦太后不從進乃召董卓使將兵詣京師討張讓等欲以脅迫太后卓未至進敗中常侍段珪等劫帝走小平津卓遂將其衆迎帝于北邙還宮

冀州牧韓馥遣都督從事趙浮程璜將疆弩萬張屯河陽

初平元年袁紹興兵討董卓河內太守王匡遣太山兵屯河陽津將以圖卓卓遣疑兵挑戰若將于平陰渡者

明臣亦不得施其微巧

齊王罔及成都王穎等永寧元年三月舉兵討趙王倫倫遣兵拒之穎出奇擊倫兵於淇水倫兵大敗穎乘勝長驅濟河

惠帝大安元年九月丁丑次於河陽

二年成都王穎以陸機等軍南向洛陽列軍自朝歌至河橋鼓聲聞數百里帝屯於河橋

張方劫遷車駕司空越起兵討之太宰顒聞山東兵起甚懼遣成都王穎領將軍劉褒石超王闡據河橋

越弟平昌公模自鄴遣將軍宋胄趨河橋太宰顒使郗輔殺張方送方頭於越以請和越不許宋胄襲河橋樓

褒西走模遣馮高會宋胄逼洛陽

慕容暉將呂護等隆和元年四月復寇洛陽帝遣北中郎將庾希救之護等退守小平津

傅祗以司徒持節大都督諸軍事懷帝時洛陽陷沒傅檄四方徵義兵祗自屯孟津小城

劉聰使劉粲等伐趙固次于小平津晉李矩使郭默郭誦救固屯于洛汭遣耿稚等潛濟襲粲是夜稚等襲敗粲聰聞粲敗使范隆率騎赴之稚等懼率衆五千突圍趨北山而南劉勲追之戰于河陽稚師大敗

杜洪據長安苻健在枋口密圖關中盡衆而行起浮橋於孟津以濟遣其弟雄率步騎五千人入潼關又遣兄

子菁自軹關入河東健執菁手曰事若不捷汝死河北
我死河南比及黃泉不相見也既濟焚橋自帥大衆隨
雄而進

慕容德勸慕容垂殺秦苻堅垂不聽其子農曰尊不
迫人於險其義氣足以動天地農聞秘記曰燕復興當
在河陽夫取果於未熟與自落不過晚旬日之間然其
難易美惡相去遠矣垂心善其言言於堅曰北鄙輕相
扇動臣請奉詔書安輯之堅許之權翼密遣壯士邀垂
於河橋南空舍中垂是夜夢行路路窮顧見孔子墓旁
墓有八覺而惡之召占夢者占之曰路窮道盡不可行
也孔子名丘八以配丘此兵字也必有伏兵深宜慎之

垂遂自瞭馬臺結草筏而渡使典軍陳罔衣已衣乘已馬與童僕趨河橋伏兵發馳馬獲免

苻丕命慕容垂平翟斌配兵二千遣其將苻飛龍率氏騎一千爲副垂至河內殺飛龍悉誅氏兵召募遠近衆至三萬濟河焚橋

元魏

北齊北周附

太宗南幸盟津謂黑稍將軍于栗磾曰河可橋乎栗磾曰杜預造橋遺事可想乃編次大船橫橋於冶坂六軍既濟太宗嘉美之

世祖西征赫連定宋到彥之攻河南列守南岸世祖以安頡爲冠軍將軍擊宋到彥之彥之遣將姚縱夫渡河

攻冶坂誦督諸軍擊之斬首三千餘級投水者甚衆

高祖孝文帝太和十七年六月丙戌帝將南伐詔造浮橋

十八年置牧場於河陽常畜戎馬十萬匹

二十年九月戊辰車駕閱武於小平津

二十年十二月丙寅廢大子恂爲庶人置于河陽無鼻
城李彪密表告恂謀逆帝使邢巒與咸陽王禧齎椒酒
詣河陽賜恂死殮以粗棺常服瘞于河陽

明帝崩爾朱榮舉兵晉陽至河陽欲立長樂王子攸靈
太后聞之懼悉召王公等入議遂用徐紘計遣李神軌
率衆拒之四月子攸潛自高渚渡河會榮於河陽濟河

即位先護季明開城納之神軌聞北中城不守即遁還
徐紇鄭儼皆亡走太后落髮出家榮召百官奉璽綬備
法駕迎於河橋遣騎執太后及幼主至河陰沉之河至
洶渚引百官集於行宮西北責以罪因縱兵殺之死者
二千餘人

建義初莊帝猶在河陽楊逸獨往謁帝特除給事黃門
侍郎領中書舍人及朝士濫禍帝益憂怖逸晝夜陪侍
數日之內常宿於御牀前帝曾中夜謂逸曰昨來舉目
唯見異人賴得卿差以自慰

建義初北海王元顥南奔梁梁立爲魏王資以兵將時
邢杲以三齊應顥朝廷以顥孤弱永安二年春詔元天

穆先平齊地然後征顥顥乘虛徑進滎陽武牢並不守
車駕出居河北爾朱滎聞之馳傳朝行宮于上黨之長
子輿駕於是南趨滎爲前驅旬日之間兵馬大集壬寅
克河內初元顥入洛賈顯度及弟智渡河赴行宮於河
內元顥隨以孝莊時太中大夫兼尙書令大司馬元延
明率衆守河陽至是顥聞河內不守親率百僚出鎮河
陽特遷侍中安豐王延明往守碓石七月帝至河陽與
顥隔河相望遂相持於河上粲將陳慶之守北中城顥
自據南岸慶之三日十一戰殺傷甚衆有夏州義士爲
顥守河中清陰與滎通謀求破橋立効滎引兵赴之及
橋破滎應接不果皆爲顥所屠滅滎悵然失望將爲還

計欲更圖後舉黃門侍郎楊侃曰未聞明大王發并州之日已知有夏州義士招來相應爲欲廣申經畧寧復帝畿乎夫兵散而復合瘡愈而更戰持此收功古今不少豈可以一圖不全而衆慮頓廢今事不果乃是兩賊相殺則大王之利矣若今卽還民情失望去就之心何由可保未若召發民材惟多縛筏間以舟楫沿河廣布令數百里中皆爲渡勢首尾旣遠顯復知防何處一旦得渡必立大功榮大笑曰黃門卽奏行此計先是伏波將軍楊擲與其族居馬渚至是自言有小船數艘求爲鄉導榮遂命爾朱兆等縛材爲筏自馬渚西碛山夜渡襲擊顯子領軍將軍冠受擒之遂破延明于碛石顯聞

延明敗亦散走與數十騎欲奔蕭衍至長社爲村民斬其首傳送京師帝還洛陽

元顥入洛宇文貴率鄉兵從爾朱榮焚河橋力戰有功加征東將軍

孝莊帝永安三年九月戊戌帝殺爾朱榮及元天穆于明光殿遣武衛將軍奚毅前燕州刺史崔淵率兵鎮北中是夜僕射爾朱世隆榮妻鄉郡長公主率榮部曲焚西陽門出屯河陰己亥攻河橋擒毅于途害之據北中城南逼京邑庚子帝以撫軍將軍高乾爲侍中河北大使招集鄉勇先是乾與弟敖曹俱爲爾朱榮所黜榮又誘執昂禁馳牛署旣而榮死莊帝卽引見勞勉之乾亦

馳赴洛陽帝大喜世隆既逼宮闕帝親臨大夏門指麾處分昂既免縲繼被甲橫戈志凌勅敵與其從子長命推鋒徑進所向披靡帝及觀者莫不壯之卽除直閣將軍賜帛千匹昂以寇難尙繁乃請還本鄉招集部曲帝於是以乾兼侍中加撫軍將軍金紫光祿大夫鎮河陽又以昂爲通直散騎常侍平北將軍令俱歸招集鄉閭爲表裏形援帝親送河橋上舉酒指水曰卿兄弟冀部豪傑能令士卒致死京城倘有變可爲朕河上一揚塵乾垂涕受詔昂拔劍起舞誓以死繼之十月丁未班募攻河橋格賞帛授官各有差乙卯通直散騎常侍假平西將軍都督李苗以火船焚河橋爾朱世隆退走丙辰

五世元卷四
詔大都督源子恭鎮太行丹谷壬申世隆停建興之高
都爾朱兆自晉陽來會之與徐州刺史爾朱仲遠反率
衆向京師十有二月壬寅朔爾朱兆寇丹谷都督崔伯
鳳戰歿大都督源子恭奔退甲辰爾朱兆爾朱度律自
富平津上率騎涉度以襲京城事出倉猝禁衛不守帝
出雲龍門兆逼帝幸永安佛寺甲寅遷帝於晉陽甲子
崩于城內

後廢帝中興二年閏三月壬戌齊獻武王大破爾朱天
光等於韓陵爾朱兆走趣并州遂縊死爾朱仲遠奔東
郡天光度律將赴洛陽大都督斛斯椿賈顯智倍道先
還夏四月甲子朔椿等據河橋懼罪自劾尋擒天光度